



Հատուկ կարիքներով մարդկանց աջակցության «Ունիսոն» հասարակական կազմակերպություն

## Գործելու ժամանակն է

Սեպտեմբերի 25-ին Իջևանում տեղի ունեցավ «Հաշմանդամությունը Հայաստանում. իրավիճակի բարելավման հեռանկարներ» թեմայով կլոր սեղան-քննարկում: Մասնակցում էին մարզպետարանի, քաղաքապետարանի և տեղական ՀԿ-ների ներկայացուցիչներ, ինչպես նաև հաշմանդամ երեխաների ծնողներ:



Հանդիպման ընթացքում քննարկվեցին ներառական կրթության արդյունավետության, հաշմանդամների զբաղվածության ապահովման, հանրային նշանակության կառույցների մատչելիության հիմնահարցերը: Իջևանում գործում է ընդամենը մեկ դպրոց, որն իրականացնում է ներառական կրթություն, սակայն այն դեռևս ամբողջովին չի բավարարում հաշմանդամ երեխաների կարիքները: Մասնավորապես, բացակայում են հարմարեցված սանհանգույց և երկրորդ հարկ բարձրանալու համար վերելակ: Այդ պատճառով տեղաշարժման խնդիրներ ունեցող երեխաները չեն կարողանում ինքնուրույն բարձրանալ երկրորդ հարկ:

Տավուշի մարզում գործազրկության մակարդակը շատ բարձր է, և աշխատանքով ապահովված չեն և հաշմանդամները և ոչ-հաշմանդամները:

Անշուշտ, խնդիրները բազմաթիվ են, սակայն գործնական քայլերը կարող են իրապես բարելավել հաշմանդամների կյանքի որակը և արժանապատիվ ու բարեկեցիկ կյանք ապահովել նրանց համար:

## Աստծո կամոք փաստաբան

Կինի 27-ամյա բնակչուհի Նատալյա Կրուկը ի ծնե հաշմանդամ է, տեղաշարժվում է սայլակի օգնությամբ: Նա ակտիվորեն զբաղվում է կարիերայով, գրում է բաժնետերություններ, սիրում է ելուստի: Նատալյան չի սիրում երեք բան՝ իր նկատմամբ խղճահարություն, անպարտաճանաչություն և կյանքի դանդաղաշար ընթացք: Ի դեպ, նրա կյանքը ծանծաղի չես անվանի: Այսպես, իր ցանկիկեզամյակին Նատալյան պարաշյուտային թռիչք կատարեց 4200 մետր բարձրությունից:

- 8-9 տարեկան հասակում ես չէի ցանկանում նույնիսկ տանից դուրս գալ. հասակակիցներս մշտապես ծաղրում էին, - պատմում է Նատալյան: - Երբ քույրս ինձ տուն էր բերում, և ես բողբոջում էի, ծնողներս պատասխանում էին. «Մի մտա-հոգվիր, քեզ մոտ ուղեքն են հիվանդ, իսկ իրենց մոտ՝ զլուխը»: Առհասարակ ընտանիքս միշտ ինձ սատարում էր, միևնույն ժամանակ խղճահարության և ավելորդ խնամակալության դրսևորում երբեք չեմ զգացել:

Երբ երեխան ի վիճակի չէ ինքնուրույն քայլել, ուտել և հագնվել նա կարող է մեծանալ կամազուրկ և կամակոր անձնավորություն: Կարծում եմ, շնորհիվ ծնողներիս ես այդպիսին չեմ:

Ծանոթիս համոզմամբ, հաշմանդամի սայլակը իրեն ազատում է գործուն կյանք վարելու պարտականությունից: Նա ծաղիկ է աճեցնում, զբաղվում է փիլիսոփայությամբ և հոգևոր ինքնակատարելագործմամբ: Ճիշտ է, մինչդեռ նա «կատարելագործվում է», նրա տարեց ծնողները երեք տեղ են աշխատում:

Իսկ ես կարմիր դիպլոմով ավարտեցի Կինի համալսարանի իրավաբանության ֆակուլտետի հեռակա ուսուցման բաժինը, այժմ սովորում եմ ասպիրանտուրայում: Այս տարի

հաջողությամբ հանձնեցի համապատասխան քննություն և դարձա փաստաբան:

Ուկրաինայում կա խուլուհամր փաստաբան, կան կույր փաստաբաններ, սակայն ՄՈՒԿ-ի (մանկական ուղեղային կաթված - խմբ.) նման տեսակի ախտորոշմամբ միայն ես եմ: Ոչ բոլորին է, իհարկե, դուր գալիս աշխատանքը հաշմանդամի հետ: Մի անգամ ես զգացի դատավորի բացասական վերաբերմունքն իմ հանդեպ, երբ նա, ցանկանալով ինձ նվաստացնել, արձանագրության «աշխատանքի վայր» սյունյակում նշեց «առաջին խմբի հաշմանդամ»:

Շատերը չէին պատկերացնում, թե ինչպես ես կկարողանամ աշխատել ընտրածս մասնագիտությամբ: Մտածում էին՝ ձեռքերս բույլ են, անգամ գրել չեմ կարողանա: Բայց ես սովորեցի աշխատել համակարգով: Հարցնում էին ինչպե՞ս եմ մտնելու դատարան, ոստիկանություն, դատախազություն. չէ՞ որ դրանց շենքերը մատչելի չեն սայլակավոր հաշմանդամների համար: Ես երբևեկում եմ տաքսիով և ունեմ ուղեկցող: Սայլակով ես չեմ կարող մուտք գործել դատավորի և դատախազի սենյակները, իսկ դատախուսները հաճախ նշանակվում են դատարանների բարձր հարկերում, որտեղ բացակայում են վերելակները: Նման իրավիճակում պաշտպանյալների մեծ մասը, չիրաժարվելով իմ ծառայություններից, գրկած տանում են ինձ դատական նիստի: Իրենց բախտի բերմամբ, կշռում եմ ընդամենը 55 կգ:

Ես երջանիկ մարդ եմ. ունեմ հետաքրքիր աշխատանք, շրջապատված եմ ընկերներով և հարազատներով: Երազում եմ մեծ և համերաշխ ընտանիք կազմել, սակայն դեռ չեմ հանդիպել իմ երկրորդ կեսին: Համոզված եմ, որ կյանքիս գլխավոր հանդիպումը դեռ առջևում է:



# Իրավաբանի անկյուն Հարց և պատասխան

Ես 2-րդ խմբի հաշմանդամ եմ: Ունեմ տասնամյա կրթություն: Շատ կցանկանայի աշխատել, սակայն մասնագիտություն չունեմ: Առաջարկվող մասնագիտական ուսուցման դասընթացները բավականին թանկ արժեն, իսկ առանց համապատասխան կրթության և պատրաստվածության չեմ կարող աշխատանք գտնել: Ի՞նչ խորհուրդ կտաք:  
Ս.Քայիցան, 24 տ., ք. Կապան

«Հ կառավարության 2006 թվականի մարտի 30-ի թիվ 533-Ն որոշումը սահմանում է աշխատանք փնտրող չգրադված անմրցունակ անձանց մասնագիտական ուսուցման կազմակերպման կարգը: Համաձայն դրան, մասնագիտական ուսուցումը կազմակերպվում է, երբ

ա) աշխատաշուկայում բացակայում է ունկնդրի մասնագիտական կրթությանը համապատասխան աշխատանքը. այս դեպքում կազմակերպվում է վերամասնագիտացման դասընթաց.

բ) ունկնդրի մասնագիտական որակավորումը չի համապատասխանում աշխատաշուկայի պահանջներին. այս դեպքում կազմակերպվում է մասնագիտական որակավորման բարձրացման դասընթաց.

գ) ունկնդիրը չունի մասնագիտական կրթություն և որակավորում. այս դեպքում կազմակերպվում է նախնական մասնագիտական պատրաստման և արհեստագործական ուսուցման դասընթաց:

Մասնագիտական ուսուցման դասընթացները չեն կարող գերազանցել 3 ամիսը, նախնական մասնագիտական պատրաստման և արհեստագործական ուսուցման դեպքում 6 ամիսը: Հաշմանդամ ունկնդրին՝ աշխատանք փնտրող չգրադված անձին, ուսուցման ամբողջ ժամանակահատվածի ընթացքում վճարվում է կրթաթոշակ: Օրենսդրորեն նախատեսված է նաև տրանսպորտային ծախսերի փոխհատուցում ունկնդրին՝ իր բնակության վայրի համայնքից դուրս այլ համայնք մասնագիտական ուսուցման ուղեգրելու դեպքում (բացառությամբ Երևան քաղաքի բաղային համայնքների): Ունկնդիրը կարող է մեկ տարվա ընթացքում մասնակցել մասնագիտական ուսուցման մեկ դասընթացի: Նույն անձը կարող է ընդգրկվել մասնագիտական ուսուցման մեկից ավելի դասընթացներում, եթե տվյալ դասընթացում առաջին անգամ ընդգրկվելու ցանկություն հայտնող չի եղել:

Եթե ունկնդիրների թիվը գերազանցում է զբաղվածության տարածքային կենտրոնի համար տվյալ տարվա զբաղվածության ամենամյա պետական ծրագրերով նախատեսված անձանց թիվը, ապա դասընթացում ընդգրկվելու նախապատվությունը տրվում է «Բնակչության զբաղվածության և գործազրկության դեպքում սոցիալական պաշտպանության մասին» ՀՀ օրենքի 20-րդ հոդվածի 1-ին մասով սահմանված աշխատաշուկայում անմրցունակ խմբերին, որոնց թվում են նաև հաշմանդամները:

Դիմելով Ձեր բնակության վայրի զբաղվածության տարածքային կենտրոն կարող եք տեղեկատվություն ստանալ տարվա ընթացքում նախատեսվող մասնագիտական ուսուցման դասընթացների վերաբերյալ: Առաջիկայում սպասվող մասնագիտական ուսուցման դասընթացների մասին մանրամասն տեղեկատվություն կարող եք նաև ստանալ պարբերաբար այցելելով «Զբաղվածության պետական ծառայություն» գործակալության պաշտոնական կայքը [www.employment.am](http://www.employment.am) ինտերնետային հասցեով:

**Իզաբելլա Կարապետյան**  
**«Ունիսոն» ԴԿ իրավաբան**

## Լեոնարդո դա Վինչի՝ Վերածննդի հանճար

Վինչի քաղաքի մոտակայքում գտնվող Անկիանո գյուղում 1452թ. ապրիլի 15-ին ծնվեց Լեոնարդո դի սեր Պիեռո դ'Անտոնիոն մի երեխա, ում վիճակված էր ապագայում դառնալ Վերածննդի ամենավառ խորհրդանիշներից մեկը: Լեոնարդոն նույնպես Պիեռո դա Վինչիի ապօրինի որդին էր: Այնուամենայնիվ, ճանաչելով հայրությունը Պիեռոն փայլուն կրթություն ստանալու հնարավորություն ստեղծեց իր զավակի համար:



Լեոնարդոն գրում ու նկարում էր ծախս ձեռքով, քանի որ մանկական

ուղեղային կաթվածի հետևանքով լիարժեք չէր կարողանում օգտվել աջից:

Հանճարի բացառիկ տաղանդը ի հայտ եկավ դեռ վաղ հասակում: Նա նույն հաջողությամբ զբաղվում էր հանրահաշվով, երաժշտությամբ և կավագործությամբ, սակայն ամենից շատ սիրում էր նկարչություն: Երբ Լեոնարդոյի հայրը ցույց տվեց նրա նկարները Ֆլորենցիայում հայտնի գեղանկարիչ, ոսկերիչ և քանդակագործ Անդրեա Վերոկյոյին, վերջինս այնքան էր հիացել դրանցով, որ առաջարկեց Լեոնարդոյին դառնալ իր աշակերտը: Հենց Վերոկյոյի արհեստանոցում էլ սկսվեց Լեոնարդո դա Վինչիի վառ անհատականության ձևավորման գործընթացը: 20 տարեկան հասակում նա դարձավ Ֆլորենցիայի նկարիչների միության անդամ:

Հանճարեղ իտալացի գեղանկարիչ Լեոնարդո դա Վինչին իր կյանքում, գիտական և գեղարվեստական գործունեության մեջ արտահայտեց «բազմակողմանի զարգացած անձնավորության» մարդասիրական իդեալը: Իր հետաքրքրությունների շրջանակը հիրավի բազմակողմանի էր: Լեոնարդո դա Վինչին եղել է ոչ միայն հանճարեղ գեղանկարիչ, քանդակագործ, ճարտարապետ, այլ նաև գիտնական: Նա զբաղվում էր մաթեմատիկայով, մեխանիկայով, ֆիզիկայով, աստղագիտությամբ, երկրաբանությամբ, բուսաբանությամբ, մարդու և կենդանիների անատոմիայով և ֆիզիոլոգիայով: Դա Վինչիի ձեռագրերում հանդիպում են թռչող մեքենաների, ուղղաթիփի, օդապարիկի, տպագրական, փայտանշակող մեքենաների և այլ սարքերի նախագծեր, մաթեմատիկային, օպտիկային և տիեզերագիտությանը վերաբերող գաղափարներ:

Ներկայումս Թուրինի, Միլանի, Փարիզի, Վինժորի և Լոնդոնի գրադարաններում պահվում են ընդհանուր առմամբ մոտ 7000 էջ կազմող (հիմնականում գրված հայելանման աջից ծախ) նրա ձեռագրերը:

**Գլխավոր խմբագիր**  
**Արմեն Ալավերդյան**

**Հրատարակումը պատրաստեցին**  
**Դավիթ Բաբայան**  
**Մարիաննա Զաչեկյան**  
**Իզաբելլա Կարապետյան**

Հասցե՝ «Ունիսոն» ՀԿ,  
Երևան 0002, Դեմիրճյան 36

Հեռ./ֆաքս՝ (010) 52-21-70  
Վեբ-կայք՝ [www.unison.am](http://www.unison.am)  
Էլ. փոստ՝ [unison@unison.am](mailto:unison@unison.am)